

Bosna i Hercegovina  
Federacija Bosne i Hercegovine  
Tuzlanski kanton  
OPĆINA GRAČANICA  
Općinski načelnik  
Broj: 02-44-03457-02/14  
Gračanica, 14.10.2014. godine

Na osnovu člana 15. Zakona o principima lokalne samouprave („Službene novine Federacije Bosne i Hercegovine“, broj 49/06), Zaključka Općinskog vijeća Gračanica, broj:01-05-03117-2014.od 18.09.2014. godine, člana 36. Statuta općine Gračanica („Službeni glasnik općine Gračanica, broj:4/09) i člana 6. Pravilnika o bližim kriterijima, postupku i dokumentaciji neophodnoj za ostvarivanje prava za dodjelu novčanih sredstava i građevinskog materijala na ime pomoći vlasnicima uništenih ili oštećenih stambenih objekata na području Općine Gračanica, broj: 02-44-03457-02/2014 od 14.10.2014. godine, vezano za raspodjelu preostalih sredstava za oštećene krovove od posljedica prirodne nepogode od grada, Općinski načelnik donosi

#### O D L U K U

o raspisivanju javnog konkursa za novčanu pomoć vlasnicima  
oštećenih krovova od grada na području općine Gračanica

#### Član 1.

Raspisuje se javni konkurs za novčanu pomoć vlasnicima (pravnim i faktičkim) oštećenih krovova od posljedica prirodne nepogode od grada u mjesnim zajednicama Donja Orahovica, Rašljeva i Miričina.

#### Član 2.

Za pomoć iz predhodnog člana ove Odluke obezbjeđuju se sredstva u Budžetu općine Gračanica i namjenski uplaćenih sredstava Vlade Federacije BiH na ime finansijske pomoći ovoj općini u građevinskom materijalu - crijepu radi saniranja štete uzrokovane nevremenom praćenim gradom, vjetroj i kišom.

#### Član 3.

Pravo na novčanu pomoć može ostvariti vlasnik (pravni ili faktički) stambenog i/ili poslovnog objekta kojem je uništeno više od 100 komada crijepa.  
Novčana pomoć se može odobriti za najviše 1500 komada crijepa, bez obzira na broj uništenog crijepa. Korisnik prava iz prethodnog stava ne može biti vlasnik i/ili korisnik vikend objekta, pomoćne ili neke druge zgrade.  
Pravo na dodjelu novčane pomoći ne može ostvariti više od jedne osobe iz pripadajućeg domaćinstva, odnosno pravnog lica.

#### Član 4.

Pojedinačni iznos novčane pomoći za štete na krovovima utvrdit će se na osnovu prijave i ukupno oštećenog crijepa (računajući maksimalno 1.500 komada) i visine novčanih sredstava obezbijedenih za ove namjene.

Član 5.

Općinski načelnik će raspisati javni konkurs za dodjelu novčane pomoći i objaviti ga u jednom dnevnom listu, na web stranic i, oglasnoj tabli Općine Gračanica, oglasnim tablama mjesnih zajednica i putem Radio Gračanice.

Član 6.

Ova odluka stupa na snagu danom njenog donošenja, a objavit će se u „Službenom glasniku općine Gračanica“.

**OPĆINSKI NAČELNIK**

**Nusret Helić**